

Ժ Է .

Իր երկու ծրծին միջին կար կաթաւ, կար կարկնջելով.
Քանի ձեռքս ի նա տարի, նայ ի դեմ գար կարկնջելով:

Ժ Ը .

Երեկ ցորեկով բարով կու տան'ին աղուոր մի ճորով.
Յագար աչք ի հետ լալով, իմըն գետ բերեր վըտակով.
Ասի թէ ի հետ երթամ, լօք առնում պագիկ մըն ճորով.
Պագիկ մըն ճորով առնում ու մեկիկ մըն սրտի կամով:

Ժ Թ .

Քանի' ու քանի' ասեմ, մի' կենար դուն խամ լաթերով-
Գընա' ապըրշում հագիր, որ նախշած է ոսկի թելով.
Արե'կ լուկ առջեւ անցիր, լօք քալէ' քալըդ համըրով.
Յայնժամ ինձ աղուոր թըլիս, քան գուռի որթըն խաղողով:

Ի .

Չաշխարհս ես ի ժուռ եկի, ա'յ հոգեկ, որ այլ չի մընաց.
Ասցի թէ գտնում հանց եար, ա'յ հոգեկ, որ այլ չէ սիրած.
Եկի հանց եարի մ'առի որ սիրած է 'լ այլվի թողած:
Չի'նչ շահ է իմ շատ դատիլս երբ այլոց ի ծոց ես պառկած:

Ի Ա .

Եարիկ մի յինէն գընաց, բիւր հագար ծաղկունք զինքն իլաց.
Չիգիտեմ թ'իր կամաւ գնաց թէ իրենն ի սեր չիպիտաց.
Թղթիկ մըն յետեւէն գնաց որ ամէնն էր հառաչ ու լաց.
Իր մէջն էր պագեր գըրած, ի յեգերն՝ գիրկ, կարօտ ու լաց:

Ի Բ .

Դեռ ամառըն չեր եկած, նայ տըլին ինձ վարդ մի հասած.
Դեռ ի մուրագ չ'ի հասել, նայ առին զան վարդն ի ձեռացս.
Գիտնա'ս թէ որբուկ եմ ես կամ ի հօրն ու մօրն անիծած.
Չթղթիկս ի ձեռացս առած, զիմ իտֆթարս ի ծուռն ի գըրած:

Ի Գ .

Յընցկուն հեռաւոր եաք զինչ լուսին ու սարդ ի դիմաց:
Եկաք մօտեւոր եղաք զինչ ըզջուրդ ու ձուկըդ հիտրաց.
Աւա'դ, թէ կտրեն ըզջուրն, լօք մընայ ի ձուկըն ծարուած,